

Nozvezh kentañ ma eured.

Nozvezh kentañ ma eured, me m'oa koñsañtamant
Da servijiñ ar Roue, ret eo bezañ kontant

Da servijiñ ar Roue red eo obeisañ
Ha ma dousig Frañsoazig chom er ger da ouelañ.

« Tevit, tevit, Frañsoazig, tevit, na ouelit ket.
'Benn un daou pe a dri bloaz me teuio c'hoazh d'ho kwelet ».

Pasaet un, daou, pe tri bloaz, pevar zo avansed
Nag ar martolod yaouank n'ez a tamm da vale.

Ar plac'hig a oa yaouank, hir gave e amzer,
Ha 'n eus laket barzh he soñj da zim'ñ adarre.

Dimezet hag eureujet deus an daol da koaniañ
N'em gavas ar martolod, vit goulenn da lojañ.

Digant ur vatezh vihan, diganti neus goulennet :
« Daoust hag en c'hwi larfe din, amañ e vin lojet ?

O nann sur ta martolod, amañ (ne) vec'h ket lojet
Tud an eured zo deuz taol, gante omp okupet. »

Ar martolod oa ur paotr fin, goût a reas an doare.
N'eus kavet vit e repos, mont d'an ti a gostez.

Bonjour deoc'h ta, tantin gozh, « Bonjour deoc'h c'hwi » larañ
Daoust hag en c'hwi 'larje din, lojet a vin amañ

O ya sur ta martolod, amañ c'hwi vo lojet
B'an ur gwele mad e bluñv, vec'h lakaet da gousket

Diskennit ho malizenn tout an aour hag arc'hant
'Samblez gant tud an eured, c'hwi goanio eksellant

Oa ket debret mat e goan gant ar rummad kentañ
Hemañ c'houlas ar c'hartoù 'vit 'n em zivertisañ

Hemañ c'houlas ar c'hartoù pe an dominoioù
Peotramant ar wreg eured da parlantiñ gantañ

« O c'hwi sur ta, emezi, biskoazh 'meuz refuzet
Parlantiñ gant 'den a 'feson, ma vez d'in permetet »

Pelec'h 'mañ aet ho pizoù aour hag ho chadenn arc'hant
Ar re am-oa roet deoc'h deuz taol ar sakramant ?

Pelec'h 'mañ aet ho pizoù aour hag o tilhamañchou
ar re am-oa roet deoc'h, bremañ zo seiz vloaz 'zo ?

Ar plac'h joentas he daou zorn, sellas 'trezek an neñv
« Betek bremañ, ma Doue, me 'm-eus bevet din ec'h

Betek bremañ ma Doue, din ec'h me 'm-eus bevet.
Na dec'h me oa intañvez, hirie 'm-eus daou bried. »

Pozoù pleustret warne e stalioù kan KLT - Ti ar Vro Bro Montroulez, kaset da benn gant Jean Pierre Quéré ha Paul Salaün. Evit « Stalioù kan bro Montroulez » a vo da-geñver fest-noz Mont da Zañsal d'ar 26 a viz Here 2019 / Festival Tan Miz Du.